

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. V. Quo sensu Attritio à Tridentino dicatur imperfecta. Contritionem pro
Attritione non esse coram populo indiscriminatim inculcandam; sed
vtramque generatim commendandam: particulatim verò ...

urn:nbn:de:hbz:466:1-11367

§. V.

Quo sensu Attritio à Tridentino dicatur imperfecta. Contritionem præ Attritione non esse coram populo indiscriminatim inculcandam; sed utramque generatim commendandam: particulatim verò, pœnitentibus à Sacerdotibus proponendam, pro pœnitentis dispositione. Censura Sorbonæ contra aduersariam sententiam lata.

48. **V**NUS aut alter superest natus, qui Attritioni inspergitur: disflandus is est, ne quidquam eius candori & sinceritati officiat. Causantur aduersarii, istud saltem constare Attritionem imperfectam esse. Contritionem verò esse perfectam; ita certe à Tridentino appellantur. Secundo, efficaciorum esse ad delenda peccata Contritionem, quod nemo vocat in dubium. Jam verò, cum ad perfectiora contendere Christiani hominis sit officium; & ad efficaciora remedia configere prudentioris; hoc saltem exinde consicutur. Contritionem præ Attritione omnibus commendandam, & suadendum ut in illam incumbant; ut amoris benevoli & amici nexus sese Creatori suo, a quo recelsere constringant, eiusque sibi gratiam, amando studeant demereri.

49. Probabilis admodum est hæc oratio, & si quædam rectè expli-
centur, omnino verissima. Ne tamen vlla exinde Attritioni crea-
tur inuidia, istud primò exponendum est (ne forte vox *imperfecta*
perperam intellecta, rudibus sit offendicula, dum malum aliquod
aut vitium crederent subesse rei quam imperfectam esse audiunt)
imperfectum aliquid esse, dici dupliciter. Aliud enim est negati-
vè imperfectum, aliud priuatum. Priuatum imperfectum est, quod
aliquam priuatum perfectione, quæ tamen ipsi competit. Sic im-
perfecta est domus aut statua, quæ numeris omnibus non est ab-
soluta, nec ea habet lineamenta aut partes, quæ in statuam aut do-
mo requiruntur. Sic vir brachijs aut pedibus priuatus, aut mem-
bris distortis maleque compositis, corpus dicitur habere imperfe-
ctum: atque eiusmodi perfectionis aut speciei priuatio, rectè di-
citur mala, & vitium rei; physicum quidem, si res spectetur
M m m 3. physicæ;

*Aliud, est
esse imper-
fectum pri-
uatum, a-
lud nega-
tum.*

physicè; morale autem, si in ordine ad mores consideretur. Atque hoc titulo, qui caret v. g. virtute temperantiae, quæ tamen in vitro frugi requiritur ut sit perfectus, imperfectus dicitur, & quidem priuatiue. Negatiue autem imperfectum dicitur, quod non omnem quæ dari potest perfectionem obtinet, habet tamen sibi naturæque suæ competentem. Sic argentum perfectum metallum est, quamvis non eam habeat, quam aurum, ab excellentiâ commendationem. Neque homo, perfectus homo non est, quamvis ei denegata sit Angeli perfectio. Imò nec is qui membra habet decorè composita, imperfectus est vir, licet ei data non sit formosissimi vultus species, aut robur Miloniano non assimile. Negatiæ sunt imperfectiones hæc & quæ nullum afferunt rebus vitium. Rectè enim hæc duo consistunt, non habere perfectionem omnem quæ dari potest rebus, & tamen habere quidquid ad naturæ suæ perfectionem exigitur. Sic igitur Attritio imperfecta est, non priuatiue, quasi ei quidquam vitij insit, aut quidquam desit quod ad Pœnitudinis veræ naturam & esentiam requiritur: sed quid nec tam grata sit Diuinis oculis, nec tantæ ad reconciliationem inducendam, delendaque peccata virtutis & efficacie, quam sit Contritio; quandoquidem hæc sola gratia inducendæ sufficiat; Attritio autem id non possit, nisi Sacramenti vi suffulta. Ne tamen exinde, quia debilior, vitiosam suspiceris: habet enim ad Pœnitudinem perfectam requisita omnia. Et hoc quidem ex eo apparet euidenter, quod per Absolutionem ad delenda penitus peccata possit eleuari; non posset autem, nisi perfectus esset actus veræ Pœnitentia,

Non est homini priuati discernerere quia magis commendandum sit populo.
Contritio an Attritio.

Ad secundum verò, nempè quod Contritio Attritione sit efficiacior, ac proinde omnibus præ Attritione magis commendanda & inculcanda impensiùs: Respondeo Primo, quod eodem jure quo Contritionis in actu deducendæ praxis, præ Attritione hominibus magis commendanda hodie adstruitur, etiam Christo proponendum olim fuisse dum Ecclesiam instruebat, ne Confessionis Sacramentum sic institueret, vt homini liberum relinqueretur, an ad eam per Contritionis, an verò per Attritionis actuū se disponeret. Imò suadendum ei fuerat, vt Confessionis Sacramento penitus intermisso, soli Contritioni peccatorum omnium curationem committeret: neque rationes defuissent, quibus id ei poterat saltem amicè proponi. Verum, cum utrumque Christus insti-

50.

instituerit peccati eluendi genus; quid quo^s homunciones nos, cæci & miseri volumus discernere, vtrum altero sit commendabilius, & quid ad curandos peccatores opportunius, quorum tanta est diuersitas? Commendemus sane quidquid Christus instituit; nostrum est omnia salutis adjumenta à Christo nobis porrecta, cum summa submissione animi & gratiarum actione accipere, non autem inter beneficia Diuina discernere, & quasi litem mouere vtrum vtro sit præstantius; præsertim dum hoc sit cum ingenti vnius, à Christo tamen præstati beneficii, præjudicio.

- §1. Respondeo secundò, verum quidem esse Contritionem si cum solâ Attritione comparetur, hâc efficaciorem esse, peccati culpam vt deleat: non verò si cùm Sacramento composita attendatur. Dico itaq; Attritionem cum Sacramento æquè efficacem esse ad delendam culpam, quâm sit Contrito: vtraque enim delet omnem.

- §2. Tertiò denique respondeo, etiam si fortassis aliqua delendis noxiis major inesset Contritioni energia, non illicè dicendum esse, hanc præ Attritione passiⁿ & vbiique populo magis esse commendandam; præsertim cum Attritionis non modico despectu. Despici enim credit populus quidquid alteri postponitur. Imprudenter, inquam, instituitur hâc comparatio; & generatim cùm sit, satis temerè. Nam vt ita sit, medicinam quandam esse dulcem admodum & suauem quæ morbo curando sit par, imò & præstantior alia quæ absynthium redolet & amarum spirat: an suavis isthæc potio, omnibus illicè & passim est commendanda? Atqui infiniti sunt stomachi, quibus nauseam creat, quidquid dulcedinis præfert speciem; sunt etiam, quibus suavia in bilem degenerant; sunt denique quibus tam cruda & afflicta est orexis, vt non nisi salsis & acuris esculentis excitetur: & an his omnibus dulcem quam affers medicinam credideris indiscriminatim offrendam, imò & ingerendam esse per vim? Suavis est fateor medicina, quam Dei charitas miscet: verùm hanc rusticano homini, militi efferrato, barbaro, rerum diuinarum inexperto, effronti denique prostibulo, aut ganeoni sceleribus innutrito propinata, affter quæ Diuinam erga sē charitatem commendent, commemo^ra quæ ejus erga Deum amore jure merito postulent; denique demulce hominem quantum potes, & istud tunc attende, quantâ pœnitudine offensi tam boni Dei moueatur. Enim uero aliis assuetus, ad teneriora ista nauseat stomachus, acutâ medicinâ.

Tam effi-
cax est At-
tritio cum
Sacramen-
to ut deleat
culpam,
quam Co^m-
tritio.

Contrito
licet effica-
ctor, non
omnibus
sanctis con-
uenientior
est medici-
na.

*Mulius ad
hibendus
est timor.*

cinâ excitandus est. Igitur delictorum ehormitatem & infamiam proponè, irati Dei vultus describe, pœnas inferni jam dudum pro meritas ei obuolue; & tunc denique senties quæ ei magis conuenient medicina. Neque rufus Contritionis & Charitatis actum, cui libet homini etiam volenti, excitare tam facile est, quam quidam ineptè jactitant: vt quid ergo quæ facilior est medicina contemnitur? Quidquid sit, maximo sane sapientissimoque consilio prouidit Deus, ut in Ecclesiâ, quædam quasi pharmacopœa condetur, in quâ diuersis morbis, diuersæ quidem, conuenientes tamen singulis, recondenterunt medicinæ. Una vni est aptior; & sic temperiarum planè esse judico, quænam sit aptissima, generatim velle definire. Vbi omnes bonæ sunt, laudentur s. n. & commendentur omnes. Quæ autem, cui applicanda sit, despiciant id sanè medici; Sacerdotes inquam, quorum est, quid cuique pœnitenti sit opportunius, pro ægri cuiusque dispositione discernere, medicinamque pro morbi varietate, variam applicare. Ecclesiastæ interim munus est, vnam dum pro populo commendat, alteram non contemnere; auditoresque vnicè commonefacere vt vnum dum faciunt, vt Christus aliâ occasione ait, alterum non omittant.

*Si poenit. in forman-
da. Attric-
tione eret
dedocendus
est; attrito
verò non
dissuaden-
da.*

*Conclusio
duorum pre-
cedentium
Tractatuum.*

Sed finis jam tandem sit. Istud enim credo jam manifestè satis omnibus esse demonstratum, commenta prorsus esse omnia, quæ de Attritionis naturâ passim, non in scholis modo, sed & pro concessionibus jactata sunt conuitia. Aut si hoc durius videatur, patet nunc inquam, confitam esse Attritionem eam, quam sibi oppugnandum, telisque omnibus impetendam ascuere; neque eam esse, quæ ab Ecclesiâ Christianis omnibus exercenda proponitur. Quod si autem, in Attritione verâ excitandâ, rudiorem plebem errare judicabant, dedoceri poterat hic error sine vlla Attritionis injuriâ, aut orthodoxæ sententiae suggillatione & inuidiâ. Quæso ne medicinam pretioso Christi sanguine confessam, peccatoribusque liberalissimè propinatam, ex eorum manibus executiant: sed eâ si abutantur, corrigatur error, & maneat medicina. Ratum istud interim constansque maneat, 1. Attritionem & bonam esse, & veram supernaturemque animi pœnitudinem, quæ commissa sclera sincere detestetur, sanctiorisque vitæ det initium; 2. Voluntariam esse minimeque coactam; nec seruilem & illiberalem, quamvis ex timore seruili ducat exordium, sed liberam omnino & ingenuam. 3. Denique ad reconciliationem cum offenso Deo in eun-

53.

DE ATTRITIONIS CVM SACRAM. EFFICACIA. 45

ineundam nullo charitatis inefficacis actu superaddito, solam cum Pœnitentiæ Sacramento sufficere; 4. Ac propterea tutò ab omni pœnitente, non toto vitæ solùm curriculo, sed & in vltimo mortis articulo, Absolutioni posse admoueri; 5. Confessionique sic institutæ, pœnitentem non posse tantùm, sed dum facta est, etiam debere acquiescere. Orthodoxa hæc est sententia, toto orbe perulgata, & totius Ecclesiæ praxi & judicio comprobata.

54.

De aduersariorum sententiâ, meum non est quidquam statuere. Censura Sorbonæ contra aduersariam sententiam latam.
Judicium tamen Theologicum Sorbonæ contra propositiones quasdam Seguenot latum Parisijs anno 1638. 1. Iulii proferre me, non est quisquam mihi quod succenseat. Teste Ysamberto Theologo Doctore Sorbonico & præclarissimo, & si vnu non sufficit, teste altero Moraines, ita habet decretum Sorbonæ. Quæ tradit (scilicet Seguenot) de Attritionis insufficientia, & Contritionis ex perfectâ Charitate absolutâ necessitate ad recipiendum Sacramentum Pœnitentiae: & que addit & approbat de Absolutione; quod nihil aliud sit quam declaratio juridica peccati jam remitti, damnavit quoque facultas; & censuit has propositiones, esse quietis animarum perturbatinas; communi & omnino tute praxi Ecclesiæ contrarias, & efficacie Sacramenti imminutias, & insuper temerarias ac erroneas.

Ysamb.de
Pœn.disp.
14.a.6.
Moraines
in Anti-
Iansienio
disp. 29.
de Grat.
lect.7.

Aliud quod his addam non est, nisi quod cum de veritate Censuræ hujus à Sorbonâ latâ liberet esse certioribus, eius tenorem ex ipsis Facultatis Parisiensis monumentis legitimè descriptum, & testibus obfirmatum, visum fuerit hoc anno petere. Liberaliter Censuræ omnes totius libri, quem Claudio Seguenot Presbyter Oratorii, de sanctâ Virginitate conscriperat, transmissæ sunt. Inter alias antepenultima est, ea quam fideli curâ verbotenus, prout è monumentis Sorbonæ descripta est, modò exposui. Auctoritatem autem transmissæ Censuræ legitimam dabant, hæc quæ subjiciebantur Doctorum manu propriâ subscripta nomina & testimonia. Ita habent.

Nos infra scripti Doctores sacre Facultatis Theologie Parisiensis, testamur hoc extræstum esse verissimum, eique Censuræ interfuisse. In cuius rei fidem hic subscripsimus. Datum Parisijs, die duodecimæ Martij anno 1666.

N. Pignan. L. Bail.

Nnn SEXTVM